



АВИАЦИЯ КОРХОНАЛАРИДА ТРАНСФОРМАЦИЯ ЖАРАЁНЛАРИ МУҲОКАМА ҚИЛИНДИ

Президент Шавкат Мирзиёев 19 апрель куни “Uzbekistan airways” ҳамда “Uzbekistan airports” акциядорлик жамиятларини трансформация қилиш чора-тадбирлари тақдими билан танишди.

Маълумки, давлатимиз раҳбарининг 2018 йил 27 ноябрдаги фармонида мувофиқ, “Ўзбекистон ҳаво йўллари” Миллий авиакомпанияси негизда иккита — “Uzbekistan airways” ҳамда “Uzbekistan airports” акциядорлик жамиятлари тузилган эди. Бугунги кунда мамлакатимиз иқтисодиётида амалга оширилаётган таркибий ўзгаришлар қаторида мазкур компаниялар ҳам трансформация қилиниши режалаштирилган. Шу билан бирга, коронавирус пандемияси билан боғлиқ иқтисодий қийин вазият авиация тармоғини такомиллаштиришни талаб этмоқда.

Юртимиз авиакомпанияларини трансформация қилишда асосий эътибор иқтисодий самарадорлиқни оширишга қаратилган. Масалан, “Uzbekistan airways” акциядорлик жамияти харажатларини 46,5 миллион долларга қисқартириш ҳисоб-китоб қилинган. Бунинг учун компания ва унинг таркибидagi ташиқлотларда иш ўринларини оптималлаштириш, фойдаланилмаётган 12 та самолётни тасарруфдан чиқариш, авиачипталарни хорижда сотиш бўйича агентлар комиссияси фоизини тушириш мўлжалланмоқда.

Шунингдек, даромадларни йилга 40 миллион долларга кўпайтириш мақсад қилинган. Бунинг учун талаб юқори бўлган шаҳарларга чартер парвозларни ва янги йўналишлар бўйича қарго ташувларини амалга ошириш, барча маҳаллий рейсларга онлайн рўйхатдан ўтиш ва жойларни танлаш имкониятини жорий этиш кўзда тутилмоқда.

Янги бизнес стратегиясига кўра, қатновлар гибрид усулга ўтказилиб, тўлиқ хизматлар ва бюджет хизматлар модели бўйича амалга оширилади. Талаб кам бўлган йўналишларда бизнес класс бекор қилиниб, ўриндиқлар сони кўпайтирилади.

Шу йил учинчи чорақдан бошлаб 4 та А-320 самолётида лоукостер, яъни арзон қатновлар ташкил этиш мўлжалланган. Узоқ масофали йўналишларни ривожлантириш учун 3 та А321 NEO LR “ҳаво мекани”ни лизингга олиш, маҳал-

лий авиакатновлар сонини ҳафтасига ҳозирги 17 тадан 49 тагача ошириш режалаштирилган.

Йўловчилар учун қулайликларни ошириш мақсадида соҳани рақамлаштириш, жумладан, “Aerolabs” онлайн хизматлар кўрсатиш тизимини ҳамда мижозлар билан ишлашни бошқариш учун CRM комплексини таъбиқ этиш кўзда тутилган.

Президент Шавкат Мирзиёев хизматлар қулайлиги ва сифатини ошириш орқали аҳолини авиакатновларга кўпроқ жалб этиш зарурлигини таъкидлади.

“Uzbekistan airports” акциядорлик жамияти самарадорлигини ошириш бўйича ҳам қатор чора-тадбирлар ишлаб чиқилган. Бугунги кунда ушбу жамият таркибида 11 та аэропорт бор ва уларнинг ҳар бири мустақил фаолият юритмоқда.

Тақдиротга кўра, мазкур аэропортларни ягона бошқарув органи тасарруфда бириктириш тақлиф қилинмоқда. Молиявий барқарорлиқни ошириш мақсадида, халқаро тажриба асосида, харажатларни 32 фоиздан 15 фоизга тушириш, харидларни оптималлаштириш, аэропорт хизматлари учун йиғимларни 27 фоизга, жумладан, зиёрат туризми доирасида 50 фоизгача камайтириш мўлжалланмоқда.

Даромадларни кўпайтириш масаласига алоҳида эътибор қаратилган. Хусусан, Тошкент халқаро аэропортида юк терминалини барпо этиб, Европа ва Шарқий Осиё ўртасида транзит ҳажмини ошириш, аэровокзал майдонларини кенгайтириш орқали савдо ва хизматлар тушумини кўпайтириш режалаштирилган.

Давлатимиз раҳбари аэропортлар инфратузилмасини ривожлантириш, йўловчи ва юк ташиш ҳажмини ҳар йили ошириб бориш, худудлардаги аэропортларда кетринг ва бошқа хизматларни йўлга қўйиш бўйича кўрсатмалар берди.

ЎЗА

САЙЛОВ — 2021

ПРЕЗИДЕНТ САЙЛОВИ ДЕМОКРАТИК ҲОЯЛАРНИНГ АМАЛДАГИ ЯНА БИР ИФОДАСИ БЎЛАДИ



— Зайниддин Маҳаматович, аввало, Марказий сайлов комиссиясида иш қизғин тус олаётган шу кунларда мулоқотимизга вақт ажратганингиз учун газетхонларимиз номидан самимий миннатдорлигимизни қабул қилинг.

— Раҳмат! Ишимиз кундан-кунга қизиб бораётгани тўғрисида. Бу — табиий. Шундай бўлиши ҳам керак. Чунки давлатимиз раҳбарининг Олий Мажлисга Мурожаатномасида таъкидланганидек, жорий йилда давлатимиз ва халқимиз ҳаётида катта сиёсий воқеа — Президент сайлови бўлиб ўтади.

Бўлажак сайловни миллий сайлов қонунчилиги ва умумэтироф этилган халқаро демократик тамойиллар асосида, юқори ташкилий даражада ўтказиш Марказий сайлов комиссияси олдида турган энг муҳим вазифадир.

Комиссиянинг шу йил 14 апрель куни бўлиб ўтган мажлиси ана шу йирки сиёсий тадбирга тайёргарлик қўриш маса-

Ўзбекистон Республикаси Марказий сайлов комиссияси раиси, Ўзбекистон Қаҳрамони Зайниддин НИЗОМХЎЖАЕВ билан “Янги Ўзбекистон” ва “Правда Востока” газеталари бош муҳаррири Салим ДОНИЁРОВ суҳбати.

лаларига бағишланди, уни журналистлар ва блогерлар ҳам бевосита кузатиб борди.

Зеро, оммавий ахборот воситалари вакиллари билан доимий мулоқот барча даражадаги сайлов комиссиялари раҳбарлари ва аъзоларининг бурчи, вазифасидир. Сайловни очиқ, ошқор ва адолатли ўтказишнинг муҳим шартларидан бири ҳам аслида шу. Бу Ўзбекистон миллий сайлов тизимида мустақкам қарор топган энг муҳим иш принципларидан биридир.

ЮКСАК ТАФАККУР, ЮКСАК ИШОНЧ, ЮКСАК ТАРАҚҚИЁТ

— Марказий сайлов комиссиясининг ўша мажлисида бўлажак сайловга тайёргарлик юзасида тасдиқланган ҳужжатлар ва уларнинг муҳокамаси жараёнида айтилган фикрлар кенг жамоатчиликда катта қизиқиш уйғотди. Эринмасдан санадим, ўша кунлари мамлакатимиздаги ва хориждаги юзга яқин оммавий ахборот воситасида, шунингдек, ижтимоий тармоқларда ушбу тадбир тезкорлик билан ва батафсил ёритилди. Шарҳлар, суҳбатлар ва муҳокамалар эса давом этмоқда...

— Бу Президент сайлови нафақат мамлакатимизда, хорижда ҳам қизиқиш



тобора ортаётганидан яна бир ёрқин далолатдир. Чунки илгор демократик тамойиллар мустақкам қарор топиб бораётган янги Ўзбекистонда қонун устуворлигини ва инсон ҳуқуқларини, жумладан, фуқароларнинг сайлов ҳуқуқини амалда кенг таъминлашга қаратилган буюк ўзгаришларни жаҳон ҳамжамияти улкан қизиқиш ва хайрихоҳлик билан кузатиб турибди.

Президент сайлови юксак сиёсий тафаккур маҳсули — мамлакатимизни ривожлантиришнинг бешта муҳим устувор йўналиши бўйича Ҳаракатлар стратегиясида ўз ифодасини топган илгор демократик ҳоаялар рўёбининг, Ўзбекистоннинг юксак тараққиётга халқимиз билдирадиган қатъий ишончининг амалдаги яна бир ифодаси бўлади.

Давоми 3-бетда



НУРГА ТЎЛСИН БОҒЛАРИНГ, УРГУТ!



Абдусайд КЎЧИМОВ,
ёзувчи

Ватан остонадан бошланади. Остона — бу ёруғ оламга келиб, биринчи қадамнинг теккан замин. Одам боласи учун жумлаи жаҳонда бундан азиз, бундан мўътабар, бундан муқаддас маскан йўқ. Ургут мен учун ана шундай қутлуғ, қадрли, бебаҳо.

Самарқанднинг кунчиқар бетини яримта ой сингари ўраб турган Зарафшон тоғ тизмалари этакларида товланиб ётган бу манзилда эрамиздан аввалги юз минг йилликларда ҳам аждодларимиз умргузаронлик қилганлар. Бу тупроқда тош ва бронза даврларига оид бебаҳо тарихий ёдгорликлар мавжудлиги, Ҳазрат Ғавсул Аъзам, Хўжа Закариё авлиғей Варрак, Хўжа Омон, Хўжа Толиби Сармаст, Хўжа Абдол, Ширвоқ ота, Хўжа Иброҳим Кадут каби улуг сиймоларнинг мақбараро қабрлари борлиги, Хўжа Аҳрор Вали ҳазратлари ҳам бир қанча муддат Камангарон қишлоғида яшагани юртдошларимиз қатори

менинг кўксимни ҳам фахру ифтихорга тўлдиради. Мирзо Бобур Ургут жаҳонда камдан-кам учрайдиган гўзал маскан экани ҳақида тўлқинланиб ёганини, XV асрда юртимизда бўлган араб сайёҳи Ибн Ҳовқалнинг: “Самарқанднинг жанубида Шовдор тоғлари жойлашган. Атрофда бу вилоятчалик киши саломатлиги учун тоза ҳаволи маскан, серҳосил экинзор, энг яхши мевазор боғлар йўқ. Кишиларнинг қадди келишган, юзлари ёруғ”, деганини ўқиганда эса ғурурдан қўш бўлиб учгиларим келиб кетади.

Бирок... Минг таассуфлар бўлсинки, шундай мўътабар ва муаззам маскан рус империясига шўро босқинлари замонда оёқости бўлди, топталди, таланди, хўрланди. “Қадди келишган” кишиларнинг қомати букилди, “ёруғ юз”ларидан нур кетди. Улар амал-тақал қилиб кун қўриш, бола-чақа боқиш учун саҳардан шомга-ча қора терга ботиб ишладилар, аммо чегаланган эски коса оқармади. Оналаримиз, опа-сингилларимиз 40-45 даража жазирамада тамаки ўтаб, тамаки қолиб, тамаки тизганда, эмизикли чақалоклари пайкал бошидаги уч оёқли “болалар боғчаси”да “роҳат” қилиб “ором” олди. Энди-энди атак-чекач қила бошлаган гўдақлари эса чанг-тупроққа беланиб, оналари орқасидан эргашиб бориб, жўяқлар орасида ухлаб қолдилар. Биз, мактаб ўқувчилари қишда пол-шифтиз, паҳса деворли синфхоналарда совуқдан қалт-қалт титраб китоб ўқидик, дарс қилдик, шу аллозда мактабни битирдик. Фақат бизникимас, Ургутдаги мактаб боғчаларнинг ҳаммаси шундай абгор, ҳатто бизникидан бешбаттарлари бисёр эди. Яъни тумандаги мактабларнинг ярми мослаштирилган, авария ҳолатидаги биноларда жойлашган, боғча ёшидагиларнинг бор-йўғи 13 фоизи боғчаларга тортилган эди, холос.

Давоми 4-бетда

ПРЕЗИДЕНТ МАТБУОТ ХИЗМАТИ БРИФИНГИ

ҲАР БИР КУН, ҲАР БИР ҲАФТА ХАЛҚИМИЗ ФАРОВОНЛИГИ УЧУН ХИЗМАТ ҚИЛАДИ

Пойтахтимиздаги Миллий матбуот марказида 19 апрель куни Ўзбекистон Республикаси Президенти матбуот хизматининг навбатдаги брифинги бўлиб ўтди. Унда Ўзбекистон Республикаси Президенти Администрацияси раҳбарининг ўринбосари — Президент Матбуот котиби Шерзод Асадов ўтган ҳафта давлатимиз раҳбари иштирокида бўлиб ўтган ҳамда жорий ҳафтада кутилаётган муҳим тадбирлар ҳақида маҳаллий ва хорижлик журналистларга қўшимча маълумотлар берди.

Тошкент саноати таққоси:
2017 йил — 28 триллион сўм,
2021 йил — 77,5 триллион сўм

Таъкидланганидек, ўтган ҳафта ҳам давлатимиз раҳбарининг иш жадавали жуда тизги ва муҳим тадбирларга бой бўлди. Президентимиз ёшлар масалалари бўйича танқидий видеоселектор йиғилиши ўтказди, Тошкент шаҳри

бўйича инвестиция лойиҳалари тақдими билан танишди.

Тақдиротда иккита масала — лойиҳаларни ўз вақтида ишга тушириш ва экспортни кўпайтиришга эътибор қаратилди. Бу йил якунига қадар пойтахтимизда 847 лойиҳани ишга тушириш мўлжалланган. Натижада 33 минг 500 янги иш ўрни ташкил этилади. Кейинги йилларда Тошкент шаҳрида саноат

маҳсулотлари ишлаб чиқариш суръати жадал ривожланмоқда. Масалан, 2017 йилда саноат ишлаб чиқариш ҳажми 28 триллион сўмни ташкил этган бўлса, 2021 йилда 77,5 триллион сўмга етди ва ўсишда давом этмоқда. Ялпи ҳудудий маҳсулотда саноатнинг улуши 2017 йилда 28,7 фоизни ташкил этган бўлса, 2020 йилда 38 фоиздан ошган.

Тақдиротда яна бир лойиҳа — “Янги Андижон” массиви ҳақида ҳам маълумот берилди. Андижон ҳудуди кичик, аҳоли зичлиги эса энг юқори вилоят. Вилоят аҳолиси йилга 2 фоиздан зиёд ўсиб бормоқда. Шу боис, Андижон шаҳрининг ҳозирги ҳудудига тегишмаган ҳолда, унга яқин ерда янги турар жой массиви қуриш режалаштирилган.

Давоми 2-бетда

ҚИЁСИЙ РАҚАМЛАР

АҲОЛИНИНГ МОБИЛЬ ТЕЛЕФОНЛАР БИЛАН
ТАЪМИНЛАНГАНЛИК ДАРАЖАСИ

(100 та уй хўжалигига нисбатан)

2020
йили

2010
йили



Манба: Давлат статистика қўмитаси

